

## ذائب بن ذياب القته

الشيخ: ذائب بن ذياب بن عامر القته من الشلالحة من بني عبدالله شاعر وله عدة قصائد نورد منها هذه القصيدة التي يتوجد فيها على ذلوله الحرة وفعلاً عندما سمعوا قصيدته هذه قاموا له بجمع مبلغ واشترا له ذلول. وكان الجيش هو الوسيلة الوحيدة لقطع الخرايم وقضي اللوازم.

والجتي لجة عطيب الصوايب  
والعهد به خلي على فكر راميه  
رمابه الله عند صايط الضرائب  
اللي يبي النوماس والخوف ناسيه  
وبعد الغلى حطت عليه النصائب  
واخذ ثلاث اسنين وامه تعازيه  
على ذلولي يوم اشوف الركائب  
نور المراح ونور ركب مشت فيه  
زين الرديف وموردة كل هائب  
ويستر بال اللي عليها تهنيه  
وان طال شاح مودبات النجائب  
تزيد يوم الجيش تبلى سماريه  
وعوص النضاء على قفاها ذهائب  
وهي كما عدا تصدر رواويه  
فج يداها عن نحرها جنائب  
زين القفا والصدر ربي مسويه

واذاها طلع امهات الشذائب  
 والعين عين مؤحش يوم احليه  
 ويوم اتذكرها تجيب الحضائب  
 تشلغ علاق القلب لولا حوانيه  
 وان قلت ادور غير مالي قضائب  
 واليوم وين اغدي شداذي واوانيه  
 وجات العلوم وعودت للقرائب  
 واللي يحسه حال يزبن عوانيه  
 تكفون بالقمشان ياهل النوايب  
 زين الدخيل اللي كثيره دعاويه  
 عباد يامطلق حبال النشايب<sup>(١)</sup>  
 زابنك من حال على الله مشاكبه  
 ومبروك ياصقر يجي في الرقائب<sup>(٢)</sup>  
 وابن سهل<sup>(٣)</sup> لوقلت ماني بناسيه  
 وجابر<sup>(٤)</sup> إلى جات العلوم التعائب  
 وسمار<sup>(٥)</sup> يوم يحسني حال يشقيه  
 ولاني قنوعي عن جميع الحبائب  
 وابي النصا في<sup>(٦)</sup> لوبعيده مشاحيه

(١) عباد بن صلاح امير القشان.

(٢) مبروك بن فرح الكفاء

(٣) ابن سهل بركة الكفاء

(٤) جابر بن ذياب القته.

(٥) سمار بن عمار القته.

(٦) النصافي زياد بن زائد.